

Lehrb. : Semma

über Mac. VII.

1534.





Ein Sermon
 vber das Euangelion
 Marcj am vij. Cap. zu
 Wittenberg im Schloßz ge-
 predigt für dem Cursfürst-
 en vnd Herzog Hein-
 rich zu Sach-
 sen etc.
D. Mart. Luther

Wittenberg.

1534.

19135.1074



H. R.





Ein Sermon vber das Euan-
gelion Mar. am. viij. Capit. zu
Wittenberg im Schloßz gepredigt
für dem Cursfürsten vnd Herz-
zog Heinrich zu Sa-
chsen / r. 1534

D. Mart. Luther.

Text des Euangelij.



Vnd da er wid-
der ausgieng von
den grenzen Tyri
vnd Sidon / kam er
an das Galileische
meer / mitten vnter
die grenze der Ze-
hen stedte / Vnd sie
brachten zu im einen tauwen / der stum war /
vnd sie baten in / das er die hand auff in leg-
te. Vnd er nam in von dem volck beson-
ders / vnd legete in die finger in die ohren /
vnd spücket / vnd rüret seine zunge / vnd sahe
auff gen hñmel / seuffzet vnd sprach zu im /

A ij

Hephe

Hephethah/ das ist/ thu dich auff. Vnd als
bald thaten sich seine ohren auff/ vnd das
band seiner zungen ward los/ vnd redet
recht. Vnd er verbot inen/ sie soltens nie-
mand sagen. Ihe mehr er aber verbot/ ihe
mehr sie es ausbreiteten / vnd wunderten
sich ober die mass/ vnd sprachen/ Er hat al-
les wol gemacht/ die tauwen machet er hö-
ren/ vnd die sprachlosen reden .

Auslegung dis Euangelions.

Ir wissen meine
freunde/ das das Euange-
lion vnsern Derrn Chri-
stum vns allenthalben/ so
für bildet / das er sey ein
barmhertziger / gnediger
man/ der jederman gerne
helffe / vnd bereit sey mit worten vnd wer-
cken/ zu helffen/ an leib vnd seel. Dieser art
ist dis Euangelion auch/ so man heute lieset/
vnd bildet vns für/ wie willig er diesem ar-
men man/ der stum vnd taub war/ geholffen
habe/ Auff das er vns reitze zum glauben/
das wir vns alles gutes zu jm versehen sol-
len/ vnd er vns damit ein fürbilde vnd exem-
pel

pel für stelle/dem ein jeder Christ sol nach-
folgen/vnd seinem nehesten auch also helf-
fen. Denn ein Christlich leben stebet gar
darinn/das wir zum ersten vnserm Heiland
Christo/glauben vnd vertrauen / vnd des
ja sicher sind/das wir von im vnuerlassen
sein/es fallen not vnd fahr ein/wie sie wol-
len. Zum andern / das ein jeder Christen
mensch sich auch also schicke/gegen seine
freunde vnd feinde/wie er sibet/das Chris-
tus gethan hat/der so willig ist jederman
zu helffen. Wer dis thut/der ist ein Chris-
ten/Wer es aber nicht thut/mag sich wol
einen Christen lassen heissen / aber er ist
nicht. Denn die zwey lassen sich nicht schei-
den / es mus die frucht des glaubens fol-
gen/oder der glaub ist nicht recht. Dis ist
die summa dieses Euangelij.

Nu hat es etliche bewegt/das jnn die-
sem miracel oder wunderwerck/dis für an-
dern stebet/das der Herr Christus den ar-
men menschen nimpt/vnd beseit füret vom
volck/vnd helt ein sonderlich geprenge/legt
im die finger jnn die ohren/vnd spützet/vnd
rüret seine zungen / sibet auff gen himel /
seuffzet / vnd füret ein eigene sprach / so er
doch vor andern stummen vnd sonst auch
vielen geholffen hat/on einig solch gepren-
ge/allein mit einem wort / Dis alles/sage
A iij ich/

ich/hat etliche bewegt/das sie es dahin ge-
deutet haben / das Christus auff dis mal
habe gedacht/wie der selb mensch/dem er
itzt hülffe / würde noch zukünfftig sundi-
gen mit seiner zungen vnd ohren / Darumb
hab er mitleiden mit im gehabt/das diese
sunde / nach solchem grossen werck/nach
sollen geschehen/vnd seine wolthat so vbel
angelegt sein/das aus einer stummen zunge
ein Gottslesterliche zunge solt werden/die
nicht allein den nehesten verleumbden/ son-
dern auch Gott im himel droben sehenden
würde/vnd die ohren/die darumb auffge-
than sind/das sie Gottes wort hören solten/
allerley irrige vnd falsche lere lieber/ denn
Gottes wort/hören würden. Dis / sagen
sie/sey die vrsach gewesen/das er gesenffzet
vnd gen himel auff gesehen habe.

Diese meinung wollen wir nicht ver-
werffen/das man nicht sage/wir lassen vns
nichts gefallen / sondern wollen alle ding
new haben / vnd endern. Aber man mus
gleich wol Christum nicht so enge spannen/
das er nur auff eine person sehe / vnd mus
in bas ansehen/denn das er sich allein die-
ses menschen hie anneme. Denn so sagt vns
die gantze heilige Schrifft/vnd sonderlich
die Propheten vnd Psalmen/das er sey ge-
sand dazu/das er sich hat sollen hertzlich
anne-

annemen aller not des gantzen menschlichen
geschlechts / Vnd das Christus sey / die
sonderliche aufferwelete person / die fur al-
len Weiligen sol das hertz gegen vns haben /
das er sich aller vnser not so sol annemen /
als were sie sein eigene not / Wie er im vier-
zigsten Psalm sagt / von vnsern sunden / Es
haben mich meine sunde ergriffen / das ich
nicht sehen kan / Vnd im ein vnd vierzigsten /
DERR / sey mir gnedig / Weilige meine seele /
denn ich hab an dir gesundiget. Die redet
der barmhertzige DERR inn vnser person /
vnd tregt vnser sunde / als weren sie sein / vnd
als hette er sie selbs gethan. Vnd mehr am
neun vnd vierzigsten / Gott du weist meine
torheit / vnd meine schande sind dir nicht
verborgen. Item / Esaie am drey vnd funff-
zigsten / Der DERR warff aller vnser sun-
de auff jm. Item / Er trug vnser krankheit /
vnd lude auff sich vnser schmerzen / Die
straffe ligt auff jm / auff das wir fride het-
ten zc. Vñ so fort an zeigen andere schriften
auch. Denn so sol der Derr Christus gema-
let sein / das er sey die einige person / die ni-
cht einer stad / oder eins lands vngluck auff
sich neme / sondern der gantzen welt. Wie
jn auch Johannes teuffet / Sibe / dis ist das
Lamb Gottes / das der welt sunde tregt /
So er aber die sunde tregt / folget / das er
auch tragen hat müssen / alles was zu der
sunde

sunde gehört/vnd auff die sunde folget/als
Teufel/ Tod/vnd Dett.

Darumb hat er hie also geseuffzet/als
die person/die es thun solte/vnd von wel-
cher die Propheten lang zunor verkündiget
hatten/das er sich wolt hertzlich jamern
lassen alles schadens/des gantzen mensch-
lichen geschlechts. Das es ist jm nicht zu-
thun gewesen/vmb der einigen zungen vnd
der ohren willen dieses armen menschen/
sondern ist ein gemein seuffzen gewesen/vber
alle zungen vnd ohren/ja vber aller hertz/
leib vnd seele/vnd alle menschen von Adam
an bis auff den letzten menschen/der noch
sol geborn werden/Also/das er nicht fur-
nemlich darumb seuffzet/das dieser mensch
noch viel sunde zukünfftig thun würde/son-
dern das ist das furnemest/das er/der Herr
Christus / hat gesehen / jnn den gantzen
klumpen/fleisch vnd bluts/wie der Teufel
das selbe jnn mördlichen schaden im Para-
dis gebracht/die menschen stum vnd taub
gemacht/vnd also jnn den tod vnd hellisch
feur gesteckt hab. Diesen blick hat Chris-
tus hie fur augen gehabt / vnd weit vmb
sich gesehen / welch grossen schaden / der
Teufel/durch eines menschen fall im Para-
dise angerichtet habe/Vnd sibet nicht als
lein auff die zwey ohren / sondern auff den
gantzen

gantzen hauffen / so von Adam herkommen
ist/ vnd noch komen sol. Das also dis Euan-
gelion Christum malet / das er der man sey/
der sich dein vnd mein/ vnd vnser aller so an-
neme / wie wir vns vnser selbs sollen an-
nemen/ als stecket er inn den sunden vnd schaa-
den/ darinn wir stecken / vnd das er seuffze
vber den leidigen Teufel/ der den schaden zu
wegen gebracht hat.

• Vnd dis ist gewislich die vrsache/ das
er sichs mit solchem ernst hie annimpt/ vnd
sondere weise vnd geberde füret/ Als wolte
er sagen/ Es gehet mir ewr jamer/ das jr so
inn sunden vñ tod gefangen seid/ itzt sonder-
lich zuhertzen/ das ich für lauter gedancken/
sonderlich geberden mus. Denn er stellet
sich/ so ebenteuerlich/ wenn man es gegen
andern wunderzeichen helt/ das es wunder
ist. Andere hat er oft gesund gemacht mit
einem wort/ hat mit einem wort Teufel aus
getrieben/ Ja hat auch wol etlichen gehol-
fen/ zu den er nie komen ist/ als des Deubts-
mans knecht/ Matthej am achten Capitel/
Die aber füret er vmb der zweier gebrechen
willen (zungen vnd ohren) gar sonderliche
geberd / als liege jm etwas sonders dran/
damit er vns anzeigt/ das er dazumal einen
sonderlichen blick oder gedancken von dem
menschlichen geschlecht gehabt habe/
B Denn

Denn man mus Christo vnserm Herrn vnd
Gott / dis auch zulassen / wie alle andere
menschliche art (die sünde ausgenommen)
das er nicht allezeit gleich gesinnet / gleich
geschickt / oder gleich brünstig sey gewesen /
Sondern hats mancherley gehabt / eben
wie die andern Heiligen. Darumb wie sein
hertz vnd gedancken / jtzt etwas sonderlichs
gewest sind / also füret er auch sonderliche
geberde / Das man sehen mus / wie er ein
warhafftiger mensch gewesen sey / an leib
vnd seel / der nicht allezeit gleich gesinnet ge-
wesen ist / wie in auch nicht zu gleich alle-
zeit gehungert oder geschleffert hat / son-
dern wie sich solchs mit vns menschen en-
dert / so hat sichs auch mit im geendert /
Wie S. Paulus saget / zun Philippem am
andern Capitel / Er nam eines knechts ge-
stalt an / vnd ward gleich wie ein ander
mensch / vnd an geberden erfunden / als ein
ander mensch / &c. Vnd dis mus man ver-
stehen nicht allein eusserlich / sondern auch
an der seel / vnd gedancken seins hertzens /
das er jtzt ist brünstig gewest / ein andere zeit
noch brünstiger / &c.

Das ist nu eins / warumb Christus
hie diese weise füret / Nemlich / das er sey
ein warhafftiger mensche / doch inn der per-
son / das er hat fur alle menschen da gestan-
den /

den / vnd sich zu gleich angenommen dieses
menschen / vnd aller menschen gebrechen.
Das ander ist wol auch recht / das er sich
bekümert habe darumb / das / wenn er die-
sen menschen würde gesund machen / das er
noch viel hernach sundigen würde. Aber es
ist zu eng gezogen / das sie es allein auff die
künfftigen sunde dieses menschen ziehen.
Denn Christus vnser Herr Gott / hat sich
nicht allein sollen bekümern vmb eins ein-
gen menschen sunde / sondern wie in Apoca-
lypsi stehet / für alle sunde / so von anfang
der welt / von Adam bis auff vns / gesche-
hen würden / bis auff den letzten menschen /
der am Jüngsten tag noch solt geborn wer-
den. Darumb ist viel zu enge / das sie es al-
lein auff künfftige sunde ziehen / so dieser
mensch noch thun würde. Wie wol er sonst
auch an andern orten angezeigt hat / wie er
auff das künfftige leben etlicher person ge-
sehen habe / als da er sagt zum gichtbrüch-
tigen / Du bist nu gesund / sundige nicht
mehr / das dir nicht ergers widderfare.
Denn der liebe Herr Christus ist so ein
freundlich hertz / das es jm leid ist / das ein
mensch sol sunde thun. Denn er weis wol /
das die sunde nicht kan vngestraft bleiben /
Darumb weinet er auch vber die Stad Jes-
rusalem / denn er sahe / das die sunde muste
hart gestrafft werden. So ein freundlich /

B ij lieblich



lieblich hertz ist es/das nicht lust hat/ wo
es vbel zu gehet.

Er nimpt aber hie sonderlich die zwey
gelied fur sich/Ohren vnd Zungen/denn jr
wisset/das das Reich Christi gegründet ist
auff das wort/welchs man sonst weder
fassen noch begreifen kan/on durch diese
zwey gliedmas/ohren vnd zungen/vnd re-
giret allein durch das wort vnd glauben im
hertzen der menschen. Das wort fassen die
ohren/vnd das hertz gleybets / Die zunge
aber redets oder bekennets / wie das hertz
gleybet. Darumb/wenn man die zungen
vnd ohren hinweg thut/so bleibt kein mer-
ckliche vnterscheid zwiffchen dem Reich
Christi vnd der welt. Denn ein Christ ge-
het inn eusserlichem leben daher/wie ein vn-
gleybiger / er bauet / ackert / pflüget/eben
wie andere / nimpt kein sonder thun noch
werck fur/weder inn essen/trincken/erbei-
ten/schlaffen/noch andern. Allein diese
zwey gliedmas machen einen vnterscheid/
vnter Christen vnd vnchristen / das ein
Christ anderst redet vnd höret/vnd hat eine
zunge/die Gottes gnade preiset/die von dem
Herrn Christo predigt/das er allein sey der
Seligmacher/rc. Das thut die welt nicht/
die redet von geitz vnd andern lastern/pre-
digt vnd preiset jren pracht/ Dagegen sind
nu

nu auch zu beiden teilen sonderliche ohren/
Der Christen ohren haben eben dasselbige
wort/das die zunge redet vnd das hertz gleu-
bet/Die welt aber höret lieber/wenn man
redet von irer weisheit/vernunft/ehre vnd
pracht. Also sind ohren vnd zungen der
Christen vnterschieden von der welt oder vn-
christen ohren vnd zungen/fragen nach kei-
nem silber noch gold/sondern allein dar-
nach/was man von Christo sage/vnd wie
man von Christo reden vnd predigen sol.

Er hats freilich wol gesehen/der liebe
Verr/was für schaden vnd jamer durch
zungen vnd ohren noch geschehen solte. Es
ist ein grosser schaden/das man die Chri-
sten verfolget/ertrenckt/verbrennd vnd er-
henckt/das die welt mit der faust wider das
wort sich setzet. Aber dieser schade reisset
nicht durch/gewinnet auch zu letzt nicht/
Denn wenn man höret/das man den leuten
so gar vnrecht thut/so werden sie nur keck
vnd mütig dauon/vnd verachten solche
marter vnd leiden. Darumb ist das nicht
der gröste schade/so der Christenheit von
den Tyrannen wird zugefüget. Sonder
das stücklin fleisch/das hinder den zeenen
sticket/das thut den grösten schaden dem
Reich Christi. Ich rede aber jtz nicht dar-
von/das man einander beleuget vnd vbel

B ij nach



nachredt/ Ich rede von diesen hohen sachen/
en/das nach dem er die zunge hat los gemacht/
vnd jr das Euangelion gegeben/das sie darnach
solch mercklichen grossen schaden thut/ Es
scheinet wol der schaden nicht/ vnd scheint
viel erger/wenn man einem den kopff abhawet/
denn so ein falscher prediger odder schreiber
aufftritt/ Aber eine falsche predigt/ Ja ein
wort/das da kompt geflogen inn Gottes
namen / das hawet so einen hauffen seelen
hinweg/das eine ganze Stad hinach sol
fallen.

Dis ist nu eine plage / darumb Christus
geseuffzet hat. Als solt er sagen/ Sehet
zu/hütet euch/für falschen zungen/die
inn die Schrifft geraten/ Nicht die im
Weinhause oder Kretzschmer sind/die thun
wol auch schaden/ Aber hie/wenn die zungen
beginnen zu reden/die ich habe los gemacht/
vnd können sich Christen rühmen/ Düte
dich für den selben zc. Vnd zwar/es ist
wol klagens werd/das die/die das wort
haben/vnd wissen viel dauon zu plandern/
dennoch das wort mit zungen vnd faust
verfolgen. Der Türck thut der Christenheit
auch schaden/aber es geschicht allein mit
dem schwerd / vnd ist nirgend gleich dem
schaden/so die Rotten geister thun/ Das
einer noch wol seuffzen vber solche zungen
mochte

möchte/die so viel leute verfären/vnd den
nochwollen Christen heissen/vnd die Chri
stliche Kirche gebessert haben. Das ist eins
das der Teufel(nach dem die zunge los ist/
vnd die leute wissen zu predigen/was Chris
tus ist)dennoch die lere umbwendet/vnd da
durch schaden thut.

Darnach/saget Er / findet man auch
schendliche ohren/die ich geöffnet habe/
diewollen nichts anders hören/denn solche
falsche/schedliche zungen/Wie Paulus sa
get.2. Timoth.4. Es wird eine zeit sein/da
sie die heilsamen lere nicht leiden werden/
sondern nach jren eigen lüsten werden sie
jnen selbs Lerer auffladen/ nach dem jnen
die ohren jücken/vnd werden die ohren von
der warheit wenden/vnd sich zu den fabeln
keren/rc. Die Prediger/die also leren/sind
schelecke/vnd des Teufels Apostel. Nu sol
ten die andern so from sein/vnd sagen/ Der
zungen wil ich nicht hören / Ja/sagt Pau
lus/sie wollen die seligen zunge nicht hören/
vnd suchen eine andere/die finden sie auch/
Gleich wie es jtz mit vnsern Kotten gehet.
Darumb sagt Paulus/wie sie die ohren jü
cken/so wird er jnen Prediger schicken/die
sie mit gewalt jnn irthumb füren/Wie wir
vnter dem Bapstumb gesehen haben/das
kein mensch dem geringsten irthumb kundte
wehren/

wehren / Sondern das Fegefeuer / Ablass /
Polter geist / vnd was nur etwas neues
war / hielt man balde für einen Artikel des
glaubens / Also krawet jnen der Teufel die
ohren / das sie solchen betrug viel lieber hör-
ten / denn Gottes wort. Itzt gehets auch so /
vnserr D^{er} Gott hat die ohren auffgethan /
das sie das rechte Euangelion gehört ha-
ben / Aber wo nur ein Kottengeist hin kö-
met / platzen die leute so balde drauff / vnd
werden so toll / vnd allen Euangelischen Pre-
digern so feind / das mich wundert / das sol-
che feine hertzen / den ich leib vnd seele ver-
trawet hette / vns so giftig feind können
werden / als weren sie voller Teufel / vnd
sündigen viel erger mit zungen vnd ohren /
denn ehe sie das Euangelion hetten / das es
viel besser were / sie weren vom D^{er}ren
Christo nie gesund gemacht / vnd hetten sein
wort gar nicht gehört.

Das heisset hie im Euangelio / das
Christus seuffzet / das er nicht allein hat für
sich genonen alle gebrechen der natur von
anfang der welt her / sondern geklagt / das
nach dem Euangelio / sein Reich solt einen
solchen schaden nemen / eben durch die / so
er geholffen hette / vnd das sein Reich solche
püffe vnd riss leiden solt / die sonst nicht ge-
schehen weren / wo den leuten nicht zuvor
durch in

durch in geholffen were/Wolan/er mus es
leiden/vnd wir müssen es auch leiden / Er
wird aber darumb nicht vmb sonst gesuff-
zet haben/Vnd ob es wol hie nicht ausge-
druckt ist/was für seuffzen es gewesen sey/
Denn man kan es auch nicht schreiben/wie
SanctPaulus saget/das sich solch seuffzen
nicht mit buchstaben schreiben /odder mit
worten reden lassen/Dennoch gleich wol/
weh denen / die solchen schaden thun/vnd
dis seuffzen so geringe achten / vnd gehen
noch hin / als hetten sie gar wol gethan /
Denn Er hat andere gedancken gehabt /
Nemlich diese / Wolan / so viel gestehets
mich/mus so viel angst vnd marter tragen/
bis ich die leute dahin bringe/das sie mein
wort predigen vnd hören/vnd sie sollen es
noch so schendlich felschen vnd vmbkeren/
vnd mir so mercklichen schaden an meinem
Reich thun. Dieser vndanck gegen dem
wort/mus einem jeden Christen menschen
weh thun/Darumb ist es nicht wunder/das
es den D^{er}rn Christum auch so beweget
hat/ das er sonderliche weise vnd geberde
hie füret/weil in dieser gedancken zu der zeit
sonderlich getroffen hat.

So sollen wir nu aus diesen Ceremo-
nien vnd geprenge/so Christus hie füret/das
lernen/wie Christus vnser D^{er}rr sich vnser
so hertzlichen annimpt/vnd vleissig achtung
C darauff

darauß geben/das wir die ohren vnd zungen so behalten/wie ers vns gegeben hat/vnd vns fur dem Teufel vnd menschen fursehen/das sie vns die zung vnd die ohren nicht umbkeren. Zum andern/das wir vns auch danckbar fur diese wolthat/gegen seinem wort/ein iglicher inn seinem stand/erzeigen/Das ein Fürst inn seinem lande/Ein Prediger auff der Cantzel/vater vnd mutter im hause sein ampt recht aus richte/Die andern/das sie es hören/vnd die ohren offen behalten/wie sie Christus geöffenet hat/vnd vleissig darauß sehen/wie er hie vber diesem menschen geberdet habe/das es inen auch so ernst sey/vnd dafur Gott dancken.

Bey vns/Gott lob/ist die zung so weit komen/das wirs rein reden/vnd die ohren es gerne hören/Denn es sind allenthalben viel fromer leute noch/die mit lust Gottes wort hören/Aber daneben ist ein grosser vndanck/vnd ein greulich verachtung des wort Gottes/Ja wol ein heimliche verfolgung vnd heimlichs leiden. Andere Fürsten verfolgen es offentlich. Aber hie sitzen wir vnter dem schutz/wie inn einem rosen garten/vnd sind jr doch heimlich so viel bürger vnd baur/vnd herrichter inn den gelenketen/welche gern alle Pfaffen ausbissen/wo sie es nur thun köndten. Das ist ein anzeigung/das man das wort verachte/vnd
im

im heimlich feind ist/Wie man sihet das es
gehet/wo man das wort offentlich verfol
get/da wil es nur sein/vnd wo es frey vnd
offentlich ist/als hie/da wil mans nicht ha
ben / Aber vnser D^{er} Herr Gott wird gewis
lich nicht vmb sonst gesenffzet haben/Man
meinet wol/weil er so dazu still schweiget/
es werde ewig so bleiben/ Aber es ist seer
bald geschehen/das sich ein Predigstuel en
dert/ Darumb wil vnser D^{er} Herr Gott vns
hie gewarnet haben/wie es auch durch S.
Paulum geweissagt ist/das wir vns dafür
für sehen/die zungen werden sich verkeren/
vnd die ohren werden die leute jücken / nach
falschen Predigern/wie es vnter dem Ba
pstumb gieng/Were einer da komen vnd het
te gepredigt/man solt eine kirche jnn die Kl
be bawen/so hette man es gethan.

Nu aber/so man das wort jnn die lere
vnd auff die Cantzel gebracht hat/das man
Gott vertrauen/vnd dem nehesten dienen
sol/so wil es im leben nirgendes hernach/
Das ist der leidige Teufel / Wir sind aber
damit nicht entschuldiget / Nach dem denn
die lere jnn eine gestalt vñ form gebracht ist/
das man recht predigt/was man glauben
sol/vnd die zungen nu los / vnd die ohren
auffgethan sind/so sollen wir vns auch dar
umb annemen/das es auch jnn das leben
kome/ Aber ich besorge / es geschehe nicht
C ij ehe/

ehe/denn/wie S. Paulus sagt der blitz vnd
donner drein schlage / Er hat schon ange-
fangen mit dem Bapst vnd den Endechrist
durch den blitz des Euangelij geschlagen/
Weil nu die lere so volkomen ins werck vnd
leben bey vns nicht wil komen/wie es wol
solt sein/besorge ich/es werde vnser D^{er}rr
Gott / wo der Jüngste tag nicht drein sch-
legt / die straffe nicht lange feiren lassen /
Denn es wil bey vns mit dem leben doch gar
nicht folgen/auch jnn dem geringsten nicht/
das man dem nehesten diene/welchs doch
ja nicht weit gesetzt ist/denn man darff ni-
cht gen Rom noch zu Sant Jacob lauffen/
oder geld vnd gut drumb geben / gib allein
deinen willen dazu/Weil wir aber so verzwei-
nelte leute find/ vnd doch zuuor vnter dem
Bapst nur zuuiel gethan haben/jtz aber ni-
chts thun/so mus entweder der Jüngste tag
drein schlagen/oder vnser D^{er}rr Gott wird
Kotten schicken/das wir widerumb thun/
das nicht von nöten ist/ Dem Herrn Chri-
sto ist viel daran gelegen/wie jr sehet/das
sein wort so solt veracht vnd verfolget wer-
den / Darumb werden es die nicht so weg-
tragen/ so vrsach dazu geben. Das sey gnug
von diesem Text / Wir wollen nu vnsern
D^{er}rrn Gott anruffen/das er vns sein gna-
de gebe/das wir so thun vnd leben/wie er
vns gegeben hat zu reden vnd
hören/Amen .

Eine

Eine kurtze Predigt vber das
Euangelion Luce am vij. Cap.
von der Witfrawen der
jr Son gestorben
war. 1534.

D. Mart. Luther.

Text des Euangelij.



Vad es begab
sich darnach / das er
inn eine stad / mit na
men Nain / gieng /
vnd seiner Jünger
giengen viel mit im /
vnd viel volcks. Als
er aber nahe an das
stadthor kam / sihe / da
trug man einen tod
ten eraus / der ein einiger
Son war seiner
mutter / vnd sie war eine
witwe / vnd viel vol
cks aus der stad gieng
mit jr. Vnd da sie der
Herr sahe / jamerte in
der selbigen / vnd
sprach zu jr / Weine
nicht. Vnd trat hinzu /
vnd rüret den sarck an /
vnd die treger stun
den

¶

den

den. Vnd er sprach/ Jüngling/ ich sage dir
stehe auff. Vnd der todte richtete sich auff/
vnd fieng an zu reden. Vnd er gab in sei-
ner mutter/ Vnd es kam sie alle eine fürcht
an/ vnd preiseten Gott/ vnd sprachen/ Es
ist ein grosser Prophet vnter vns auffge-
standen / vnd Gott hat sein volck heim ge-
sucht. Vnd diese rede von im erschalt im
das ganze Jüdische land/ vnd im alle um-
ligende lender.

Ein kurtze Auslegung des Euangelij.



Dies stücke vom Euan-
gelion lieset man heute / das
wir vnsers Herr Gots dabey
sollen gedencen/ vnd in erken-
nen lernen/ vnd darnach in lo-
ben vnd dancken/ vnd im wid-
derumb gern dienen vnd ge-
horsam sein. Denn darumb erzelet man sei-
ne wunderwerck vnd barmhertzigkeit/ das
wir sollen erkennen/ das er vns helffe aus al-
ler not/ vnd darnach weñ wir das erkennen/
das er der helffer sey / das wir in denn auch
lieb gewinnen / vnd im für seine wolthat
dancken/ vnd gerne leiden vnd dulden/ was
er vns

er vns leßt vber den kopff gehen. Sonderlich weil wir wissen/vnd des gewis sein/das er es nicht darumb thue / das er vns verderbe vnd zunichte machen wolle / sondern das er vns nur also versüchet/ob wir jm glauben vnd vnser vertrauen vnd zusucht festt auff jn setzen/oder auff etwas anders. Denn das ist fleisch vnd bluts art vnd natur/das es alwege ehe an andern orten hülffe vnd trost suchet/ denn bey Gott / da man es allein süchen sol/ Vnd zu letzt/wenn man sich sonst nirgent behelffen kan/ zu vnserm Herr Gott komen/geret es anders so wol/das man nicht gar an jm verzweiuelt / vnd zum Teuffel lenfft/Denn es vielen so gehet/wenn nichts mehr helffen wil / das sie sich dem Teuffel ergeben. Das kompt aber do her / das sie Gott nicht kennen/vnd meinen er habe jr vergesen/wenn er in ein klein vngluck vber den hals schicket.

Widder diese gedanccken/malet vns dis Euangelion hie ein bilde für / wie sich der Herr Christus gegen die arme witfraw gestellet hab/ inn der höchsten not / inn jhres sons tod. Denn auff erden kan nichts höhers begegnen/weder der tod/da die welt vñ alles mit einander mus auffhören/Inn dieser hochsten not/hilfft er vñ wecket den todten auff / vns zum exempel / die wir es hören. Denn es nicht geschehen ist/vmb dieser witfraw allein willen/odder vmb jres sons willen/

willen / sondern wie Johannes sagt / Dis ist
geschehen vnd geschriben / auff das jr gley-
bet / Da stecket er dis vnd alle wunder zeis-
chen / die vnser lieber Herr Christus gethan
hat / vns allen inn vnser hertzen / als wolt er
sage / Sihe / hie hörestu wie diser witfrawen
son / vom tode sey aufferweckt worden / Dis
las dir inn dein hertz gepredigt sein / auff
das du dichs annemest vñ also lernest / was
Gott kan vnd wil thnn. Das er kan vnd wil
dir aus allen noten helffen / sie sind sogros sie
jmer wollen / vnd wenn es nu dahin kompt /
das die not dir auff den hals dringet / vnd
dich vnmüglich düncket / das dir zu raten
noch zu helffen sey / das du denn nicht verza-
gest / sonder dis exempel dein hertz vernewe /
das du dich das aller beste zum Herrn Chri-
sto vesehen mügest .

Denn es ist warlich mit dieser frawen /
kein schertz geweest / sie hatte zum ersten iren
man verloren / darnach stirbet jr einiger son
auch hernach / den sie lieb hatte / Nu war es
inn diesem volck für die hochste plage gere-
chent / wenn vater vnd mutter keinen namen
oder kinder hinder sich lieffen / dis hielten sie
für eine grosse vngnade Gottes . Darumb
auch diese witfraw / so nach jres mans tod /
alle ire hoffnung vñ trost an dem einigen son
hatte / mus hoch bekümmert geweest sein / da
der son jr auch entfellet / vnd sie nichts mehr
auff erden haben sol. Da werden gewislich
diese

diese gedancken zu geschlagen sein / Sibe du
bist auch der verfluchten weiber eins / wel-
cher Gott so feind ist / das sie von hinnen schei-
den müssen / vnd keinen namen nicht hinder
in lassen / Denn so stehet inn den Psalmen
vnd Propheten / das Gott den gotlosen dre-
wet / er wolle wurtzel vnd stam mit einander
aufrotten / eben als wenn einer einen baum
so genaw austottet / das kein zweiglin ja kein
blat danon vber bliebe . Das ist denn der
höchste fluch vnd straffe / wie man sibet an
vielen Keisern / Königen vnd Fürsten / das
es in so gangen hat / das sie dahin sind ge-
storben / das man nichts mehr von ihnen
weis / Dis hat denn einen solchen schein /
als sey es lauter vngnade .

Darumb hat diese frawe hie ein gros
leiden gehabt / nicht allein das sie jres mans
vnd darnach jres sons beraubt / vnd der gan-
tze stam fur jren augen ausgerottet ist / son-
dern das noch grösser gewesen ist / das sie
gedacht hat / Ich sibe / das mir Gott vngnes-
dig ist / vnd das ich verflucht bin / denn es
hat mich eben diese straffe troffen / da Gott
inn den Psalmen vnd Propheten den Gotlos-
sen mit drawet / das er sie wolle aufrotten /
das geschieht mir auch . Darumb bin ich
ein verfluchtes weib / da von wedder stam
noch wurtzel sol vber bleiben . Darumb war
jr das wunderwerck das der Herr Christus
D hie an

hie an jr thut / gar vnmüglich / vnd wer jr
gesagt hette / dein son wird jtz fur deinen au
gen wider leben / würde sie on zweuel gesagt
haben / Ach spotte mein doch nicht jnn mei
nem grossen leiden. Denn das ist nur ein ge
spötte / gönne mir doch so viel / das ich mein
grosses elende beweinen müge / vnd spotte
mich nicht doch dazu. Also würde sie gewis
lich geantwort haben / Denn es ist ein hoch
bekümmerts weib gewesen / beide des schaa
dens / vnd gewissen halben.

Dis aber alles ist vns für gebildet / das
wir lernen sollen / das für Gott nichts vnmü
glich ist / es heisse schaden / vngemach / zorn /
so hoch es jmer wolle / vnd dencken / das Got
die straffe zu weilen gleich leßt gehen / vber
die frumen vnd bösen / Ja das er die bösen
im rosen garten sitzen / vnd in alles schleunig
abgehen leßt / vnd sich gegen die frumen stel
let / als zörne er mit in / vnd wolle jr nicht /
Wie es denn mit dem heiligen Job gieng /
dem alle kinder auff einen tag so jemerlich
vmb kamen / sein vñ sein leib zu letzt auff das jemer
lichst geplagt war / Er war ein vnschuldiger
frumer man / vnd dennoch musste er die stra
ffe leiden / die kein Gottloser gelidten hatte /
das zu letzt auch seine freunde zu jm sagten /
du must on zweuel eine grosse heimliche sun
de auff dir haben / das es dir so gehet / Die
zeplags

zeplagten in noch dazu/da sie in trösten sol-
ten/ Aber er antwort vnd sagte/ Ich habe
nichts gethan/vnd bin darumb kein Gottlo-
ser nicht/die Gott offte im sausse leßt leben/
vnd vngestraft hin gehen .

Also wird es auch dieser witfrawen ein
schwere questio oder frage gewesen sein/das
vnserr Herr Gott die straffe zu gleich leßt ge-
hen/ vber die frumen vnd bösen / Aber den
frumen geschicht es nicht zum zorne odder
vngnade/ sondern den Gottlosen geschichts
zum rechten zorn/das sie müssen aufgerottet
sein/Vnserr Herr Gott spilet nicht mit in/es
ist im ein rechter ernst. Mit den Gottfürchtis-
gen aber die es nicht verdienet haben/ da spi-
let er mit / vnd versüchet sie also/ob sie feste
halten wollen/Thun sie es/vnd gedencken/
Mein Gott du versuchest mich wol/ aber du
verleßt mich nicht / so kömpt er widder vnd
gibt den seggen ja so reichlich/ wie er in dem
Job gab/das er zwey mal mehr gewan vnd
kinder vber kam/ denn er verloren hatte. Als
so ist es auch hie inn diesem text. Alle freu-
de stund der witfrawen auff dem sone / da
er noch lebte/ Gott versuchte sie/ vnd nimpt
ir den son / da ligt sie/ weinet vnd schrei-
et. Da kömpt er widder / vnd gibt ir die
freude zehensfeltig grösser/denn sie es zu vor
gehabt hatte / denn sie frewet sich jtz auff
D ij ein stund

ein stunde mehr / denn sie sich vor inn irem
gantzen leben des sons gefrewet hatte. So
reichlich gibt vnser Herr Gott wider / wenn
man im nur aus helt / vnd an im nicht ver-
zweiuelt.

Darumb lerne hie wer lernen kan / wenn
wir frum sind / vnd die anfechtung kömpt /
das vns vnser **DEAR** Gott herüber zeucht /
das wir denn / nur bey den gedancken blei-
ben / er meine es gut mit vns / vnd vns nicht
daran ergern / das er den bösen buben / Pa-
pst / Bischouen vnd allen andern iren willen
lest / die meinen sie habens vmb vnsern Herr
Gott verdienet / vnd wenn man sie straffet
vmb ire funde / verteidigen sie es noch für
recht. Aber lieben freunde lasset vns frey be-
kennen / vnd sagen / **DEAR** du thust recht /
ob du vns gleich straffest / denn für dir Herr
haben wir kein recht / wir hoffen aber / du
werdest gnediglich straffen / vnd zu seiner zeit
auff hören. Thun wir das / so hat es nicht
not / sondern sollen vns des gewislich verse-
hen / es scheine die hülffe so vnmüglich sie
jmer wolle / es sey dennoch möglich. Fleisch
vnd blut sagt wol / wenn wir inn der anfech-
tung stecken / es sey verloren / Denn wen vn-
ser Herr Gott angreiffet / macht er es so / das
man nicht weis wo hinaus / vnd wie man es
nur anschlehet / oder bedencket / so kan man
keinen weg finden / sondern sind vmb ringet
(wie Job sagt im dritten Capitel / Sicut vir
quem

quem circūdedit Dominus tenebris) als
wenn einer im finstern ist/ vnd nicht weis wo
aus/ Den wenn es nicht dahin kömpt/ so ist
es keine rechte anfechtung/ Wer im hunger
noch ein vorrat von gelt oder korn weis/ der
ist noch nicht im rechten finsternis / Aber
wenn man gar radlos vnd krafftlos wird/
das heist den gestroffent. Wie die fraw hie/
der ist der weg so gar auff allen seiten verzeu
net/ das sie nicht anders kan schliessen/ denn
ich bin verflucht/ Gott ist widder mich/ Als
so ist sie mitten im finstern/ da kein weg nach
steig ist / vnd weis nirgent aus.

Das ist vns alles zum exempel für ge
settel/ das wir lernen festt bleiben im glau
ben/ vñ Got nicht anders einbilden/ den ein
barmhertzigem Herrn/ der vns wol lesst ver
suchen / vnd stellet sich als zorne er mit vns/
vnd lache mit der welt / Aber man hüte sich
nur für dem selben lachen/ vnd erschrecke ni
cht für dem zorn/ damit er die seinen ansicht/
Es scheint wol/ als halte ers zu weilen mit
den bösen/ vnd verfolge die frumen/ on alle
gnade / Aber es schadet nicht / vnd ist nur
vmb ein blick zu thun / das ist aber ein blind
der vnd geistlicher blick/ den man mus sehen
mit blinden augen / das ist / mit dem glau
ben/ der nichts sibet / Fides enim est inuisi
bilitium/ der glaube redet von den sachen die
man nicht sibet/ vnd von vnerfahren dingen.

D iij

Die

Die Philosophj haben ein kunst/ die gehet
mit sichtbarlichen dingen vmb/ die man er-
feret vnd begreifen kan. Aber ein Christen
redt von vn sichtbarn vnd nichtigen dingen/
die man nicht sihet/ vnd nicht gedencet/ das
sie sein mügen. Da man schlechts dencken
mus/ es sey vnmüglich/ Wie Sara mit irem
son/ Da war nichts denn das blosser wort/
ir leib tochte nichts dazu/ des alters vnd der
natur halben/ das sie vnfruchbar war/ der
Isaac war gar vn sichtbar vnd nichts.
Gleich wie der wittfrawen son hie/ sie sihet
nicht das er lebet/ sondern sihet allein das er
todt ist/ Christus aber sihet das er lebet/ vnd
macht aus dem todten son ein lebendigen/
vnd aus dem vn sichtbarn ein sichtbarlichen.

Es geschicht aber alles darumb / wie
ich oft gesagt habe/ das wir lernen vnserm
Derr Gott vertrauen / vnd im glauben inn
allen nöten/ vnd nicht erschrecken/ wenn es
vns vbel gehet/ auch sich nicht dran ergern/
ob es den Gotlosen vbel gehet. Denn vnser
Derr Gott ist ein versucher/ der die seinen ver-
sucht/ vnd leset es inen wol gehen/ Das man
es gewis fasse/ vnd lerne/ das er sey ein gne-
diger Gott/ Aber er verbirget es zu weilen so
tieff/ das man es nicht kan sehen. Darnach
wenn man im sein aushelt/ ist es im nur vmb
ein einiges wörtlin zethun / so ist da schon
widder geholffen/ Wie es hie im Euangelio
auch

auch ist/das er nur ein wort dazu brauchet/
vnd den todten son widder auffwecket. Da
wil er vns ja mit anzeigen / das dasjenige
das vns gar vnmüglich ist/im so leichte ab
gehet/ vnd kostet in nur ein einiges wort/
Stehe auff/ Es ist leichtlich geredt / aber
gleich wol macht es den todten lebendig/
Das wir ja lernen sollen/das er wolle vnd
Konne vns helfen aus aller not/ Wer nu ein
Christen wil sein/ das er starck sey im glau-
ben/vnd preise Gott vnd sein wort/vnd sa-
ge/Den Gott wil ich haben/in preisen/dan-
cken vnd dienen / vnd gerne thun vnd leiden
was er wil/der so gerne willig vnd leichtlich
helffen kan.

Also sollen dis vnd andere
wunderzeichen des Derrn Christi/vns zum
trost vnd besserung sein/vnd vns reitzen/im
zu glauben vnd zu dienen/das man sonst kei-
nem Gott kan thun/Denn es erzeiget sich kei-
ner so/ wie sich vnser lieber Derr Christus
erzeiget hat. Darumb preisen vnd loben wir
in alle tag/vnd bringen auch alle tage ande-
re zu im/das sie es auch thun. Gott
helffe ihe lenger ihe mehr.

A M E N.

Gedruckt zu Wittemberg durch
Nickel Schirlentz.

1574

Faint, illegible text, likely bleed-through from the reverse side of the page.

Handwritten text, possibly a signature or title, located in the lower middle section of the page.

1774

7



Fb 4052


ULB Halle

3

005 383 900







Ld. 2450 = 13 in 4342

13



Ein Sermon
vber das Euangelion
Marcj am vij. Cap. zu
Wittemberg im Schloßz ge-
predigt für dem Sürfürst-
en vnd Herkog Hein-
rich zu Sach-
sen u.
D. Mart. Luther

Wittemberg.

1534.

1913 5. 10 74



H. R.